



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA**

Broj:02-011-168 /02
Sarajevo, 03.04.2002.god.

ZAPISNIK

16. sjednice Doma naroda Parlamentarne skupštine Bosne i Hercegovine, održane 21. aprila 2002.godine

Sjednica je počela sa radom u 11,05 sati.

Sjednicom je predsjedavao Sejfudin Tokić, predsjedavajući Doma naroda Parlamentarne skupštine Bosne i Hercegovine.

Na sjednici je bilo 15 delegata.

Osim delegata na sjednici Doma naroda su bili: predsjedavajući Predsjedništva BiH, Beriz Belkić, predsjedavajući Vijeća ministara BiH, Dragan Mikerević, predstavnici Vijeća ministara BiH, predstavnici međunarodnih organizacija, pozvani gosti i predstavnici sredstava javnog informisanja.

Nakon rasprave u kojoj su učestvovali Ibrahim Spahić, Nikola Špirić, Momčilo Novaković Munib Jusufović i Niko Sušac usvojen je sljedeći dnevni red.

DNEVNI RED:

1. Odgovori na delegatska pitanja i delegatska pitanja;
2. Zapisnik 15. sjednice Doma naroda Parlamentarne skupštine Bosne i Hercegovine;
3. Imenovanje članova za Zajedničku komisiju oba doma Parlamentarne skupštine BiH za postizanje sporazuma o istovjetnom tekstu Zakona o upotrebi i zaštiti znaka Crvenog križa/krsta i naziva društva Crvenog križa/krsta BiH;
4. Izjašnjavanje Doma naroda o izvještajima Zajedničkih komisija oba doma Parlamentarne skupštine BiH o postizanju sporazuma o istovjetnom tekstu:
 - a. Zakona o pravobranilaštvu BiH,
 - b. Zakona o autorskom pravu i srodnim pravima u BiH.
5. Izvještaj Komisije Kolegija Doma naroda o saglasnosti:
 - a. Sporazuma o saradnji u borbi protiv međunarodnog terorizma, nezakonite trgovine opojnim drogama i psihotropnim supstancama i organizovanog kriminala između Vijeća ministara BiH i Republike Turske;
 - b. Zahtjev za razmatranje Zakona o prenosu električne energije, regulatoru i operateru sistema električne energije u Bosni i Hercegovini, po članu 100. Poslovnika Doma naroda;

- c. Zahtjev za razmatranje Zakona o administrativnim taksama i tarifi administrativnih taksi, po članu 100. Poslovnika Doma naroda;
 - d. Zahtjev za razmatranje Zakona o izmjenama i dopunama Zakona o administrativnim taksama, po članu 100. Poslovnika Doma naroda;
 - e. Zahtjev za razmatranje Zakona o sudu BiH po članu 100. Poslovnika Doma naroda;
 - f. Zahtjev za razmatranje Zakona o Ombudsmanu za ljudska prava Bosne i Hercegovine, po članu 100. Poslovnika Doma naroda;
 - g. Zahtjev da se Zakon o namjeni i korištenju imovine koju Bosna i Hercegovine dobija po Sporazumu o pitanjima sukcesije bivše SFRJ razmatra po članu 99. Poslovnika Doma naroda;
 - h. Zakonu o izmjenama i dopunama Zakona o Centralnoj banci u Bosni i Hercegovini;
6. Zakon o upravnom postupku - predlagač Vijeće ministara BiH (drugo čitanje);
 7. Zakon o upravi - predlagač Vijeće ministara BiH (prvo čitanje);
 8. Zakon o klasifikaciji opojnih droga, psihotropnih supstanci, prekursora i biljaka - predlagač Vijeće ministara BiH (prvo čitanje);
 9. Zakon o sukobu interesa u ustanovama vlasti u BiH - predlagač Vijeće ministara BiH (prvo čitanje);
 10. Zakon o Agenciji za informacije i zaštitu BiH - predlagač Predsjedništvo BiH (prvo čitanje);
 11. Izvještaj o radu Vijeća ministara BiH za period od 22.02.2001 – 14.02.2002.godine - podnosilac Vijeće ministara;
 12. Sporazum o slobodnoj trgovini između BiH i Savezne vlade Savezne Republike Jugoslavije - predlagač Predsjedništvo BiH;
 13. Projektno kreditni sporazum između BiH i Međunarodnog fonda za poljoprivredni razvoj - predlagač Predsjedništvo BiH;
 14. Aneks ugovora o određivanju graničnih prelaza između BiH i Republike Hrvatske - predlagač Predsjedništvo BiH;
 15. Rezolucija o politici zdravlja za sve građane BiH - predlagač delegat Ibrahim Spahić;
 16. Rezolucija o smjernicama razvoja agrara u BiH - predlagač delegat Ilija Šimić;
 17. Rezolucija o položaju mladih u BiH - predlagač delegat Ibrahim Spahić;
 18. Rezolucija o regulisanju pravnog statusa institucija nauke i kulture BiH - predlagač delegat Ibrahim Spahić.

Ad-1: Odgovori na delagatska pitanja i delegatska pitanja.

Odgovore na delegatska pitanja su dobili: Šefik Džaferović, Nikola Špirić i Sejfidin Tokić, a delegat Nikola Špirić je dobio i jedan dopunski odgovor.

Delegatska pitanja su postavili,

Delegat Munib Jusufović,

“Koliko je Vijeće ministara BiH uključeno (ako jeste) u rješavanje pitanja zatvaranja graničnog prelaza u Brčkom od strane Republike Hrvatske kao i zašto se nedaje podrška supervizoru za Brčko, ambasadoru g. Klarku”.

Delegat Nikola Špirić,

“Koja je uloga paravojske formacije “Ševe” u predhodnom ratu. Da li je tačno da su odvodili pojedine građane Sarajeva, pretežno Srbe na mjesta gdje su poručenom snajperskom vatrom ubijeni?”

S obzirom da delegat nije dobio adekvatne odgovore ponovio je sljedeća pitanja:

1. "Da li član Predsjedništva ili Vijeća ministara može samostalno zastupati ove organe? Može li pojedinačno član Predsjedništva u situacijama kada pred Parlamentarnom skupštinom BiH zastupa Predsjedništvo, on samostalno odlučivati u pogledu izmjene pojedinih zakonski tekstova, predlaganja novih ili drugih rješenja, pružati određene garancije u ime Predsjedništva, bez prethodnog konsultovanja s ostalim članovima Predsjedništva?"

2. "Drugo pitanje se odnosi na strukturu zaposlenih. Zahtjevam da se u obliku pisanog materijala kompletira te da se pokazatelji prikažu u procentualnom iznosu".

Delegat Halid Genjac,

Povodom hapšenja državljana BiH 12.02.2002.godine. u Makedoniji postavio je sljedeća pitanja:

1. "Što su Predsjedništvo Bosne i Hercegovine i Ministarstvo inostranih poslova BiH preduzeli i šta će preduzeti ovim povodom kako bi se zaštitili državljani BiH i energično spriječilo da jedan opasan presedan postane praksa?"
2. "Zašto je Predsjedništvo BiH prihvatilo poziv za posjetu Makedoniji, upravo na dan kada je delegat BiH u Makedoniji pozvan na konsultovanje u Sarajevo? Da li to znači da je i za Predsjedništvo BiH slučaj završen i da li su prilikom ugovaranja te posjete uopšte vršene konsultacije između Predsjedništva i Ministarstava inostranih poslova BiH?"

Delegat Dragutin Rodić,

"Fond penzionog i invalidskog osiguranja RS i Vlada RS su raskinuli sporazum o međusobnim pravima i obavezama korisnika prava RS i Federacije BiH od maja 2000 godine. Uputili su zahtjev Fondu PIO Federacije BiH da se pristupi novim pregovorima kako bi se regulisala zajednička pitanja u ovoj oblasti. Šta će Vijeće ministara preduzeti da se ova pitanja urede?"

Ad-2: Zapisnik 15. sjednice Doma naroda Parlamentarne skupštine Bosne i Hercegovine.

Jednoglasno je usvojen zapisnik 15. sjednice Doma naroda Parlamentarne skupštine Bosne i Hercegovine.

Ad-3: Imenovanje članova za Zajedničku komisiju oba doma Parlamentarne skupštine BiH za postizanje sporazuma o istovjetnom tekstu Zakona o upotrebi i zaštiti znaka Crvenog križa/krsta i naziva društva Crvenog križa/krsta BiH.

U ime Doma naroda u Zajedničku komisiju oba doma Parlamentarne skupštine BiH za postizanje sporazuma o istovjetnom tekstu Zakona o upotrebi i zaštiti znaka Crvenog krsta/križa, i naziva Društva Crvenog krsta/križa BiH, jednoglasno su imenovani :

1. Momčilo Novaković
2. Ibrahim Spahić
3. Niko Sušac

Ad-4: Izjašnjavanje Doma naroda o izvještajima zajedničkih komisija oba doma Parlamentarne skupštine BiH o postizanju sporazuma o istovjetnom tekstu

a) Zakona o pravobranilaštvu BiH

b) Zakona o autorskom pravu i srodnim pravima u BiH

Nakon što su tekst Zakona usaglasile Zajedničke komisije oba doma Parlamentarne skupštine BiH, Dom naroda je usvojio izvještaj Zajedničkih komisija a time su usvojeni Zakon o pravobranilaštvu BiH i Zakon o autorskom pravu i srodnim pravima u BiH.

Ad-5: Izvještaj Komisije Kolegija Doma naroda o saglasnosti

Predsjedavajući je obavjestio Dom da je Komisija postigla saglasnost za Sporazum o saradnji u borbi protiv međunarodnog terorizma, nezakonite trgovine opojnim drogama i psihotropnim supstancama i organiziranog kriminala između Vijeća ministara BiH i Republike Turske i o Zakonu o prenosu električne energije, regulatoru i operateru sistema električne energije u Bosni i Hercegovini.

S obzirom da je Komisija postigla saglasnost Zakon i Sporazum, u skladu sa odredbama Poslovnika Doma naroda, su usvojeni u Domu naroda.

Kako Komisija nije postigla saglasnost, Dom naroda je odbio zahtjev da se po članu 100. Poslovnika Doma naroda donesu slijedeći zakoni koje je proglasio Visoki predstavnik za Bosnu i Hercegovinu, i to:

- a) Zakon o administrativnim taksama i tarifi administrativnih taksi,
- b) Zakon o izmjenama i dopunama Zakona o administrativnim taksama,
- c) Zakona o sudu BiH,
- d) Zakon o Ombudsmanu za ljudska prava Bosne i Hercegovine.

Komisija nije postigla saglasnost da se Zakon o namjeni i korištenju imovine koju Bosna i Hercegovine dobiva po Sporazumu o pitanjima sukcesije bivše SFRJ razmatra po članu 99. Poslovnika Doma naroda. Nakon glasanja Dom je odbio da se Zakon razmatra po članu 99. Poslovnika Doma naroda.

Pošto Komisija nije postigla saglasnost, Dom naroda nije prihvatio da se Zakon o izmjenama i dopunama Zakona o Centralnoj banci u Bosni i Hercegovini razmatra po članu 90.2. Poslovnika Doma naroda, a time je Zakon odbijen.

Ad-6: Zakon o upravnom postupku - predlagač Vijeće ministara BiH (drugo čitanje)

Delegat Momčilo Novaković podnio je 22 amandmana na Zakon.

U raspravi su sudjelovali Momčilo Novaković, Sejfudin Tokić i Nikola Špirić. Nakon rasprave glasalo se o amandmanima koje je podnio delegat Momčilo Novaković. Svi amandmani su odbijeni osim Amandmana XII:

U članu 72. dodaje se stav 7. koji glasi " žalba se može izjaviti odmah po saopštenju, a najkasnije u roku od 24 sata od saopštenja. O žalbi se mora odlučiti u roku od 48 sati od sata izjavljivanja žalbe.

Sa 14 glasova za i 1 suzdržanim glasom Dom naroda je usvojio predloženi tekst Zakona o upravnom postupku sa amandmanom XII Momčila Novakovića, koji postaje sastavni dio teksta Zakona.

Ad-7: Zakon o upravi - predlagač Vijeće ministara BiH (prvo čitanje)

U raspravi su učestvovali: Sejfudin Tokić, Dragutin Rodić i Ilija Šimić.

Nakon rasprave Dom naroda je u prvom čitanju jednoglasno usvojio Zakon o upravi.

Ad-8: Zakon o klasifikaciji opojnih droga, psihotropnih supstanci, prekursora i biljaka - predlagač Vijeće ministara BiH (prvo čitanje)

U raspravi su učestvovali: Sejfudin Tokić, Momčilo Novaković, Nikola Špirić, Ibrahim Spahić i Šefik Džaferović.

Nakon rasprave o neophodnosti i načelima na kojima je Zakon zasnovan glasalo se da li će se voditi rasprava o članovima.

S obzirom da nije bilo potrebne entitetske većine, Kolegij Doma naroda će pokušati postići saglasnost u skladu sa članom 60. Poslovnika Doma naroda.

Ad-9: Zakon o sukobu interesa u ustanovama vlasti u BiH - predlagač Vijeće ministara BiH (prvo čitanje)

U raspravi su učestvovali Ivo Divković i Momčilo Novaković.

Nakon rasprave o neophodnosti i načelima na kojima je Zakon zasnovan glasalo se da li će se voditi rasprava o članovima.

Dom naroda većinom glasova nije prihvatio da se vodi rasprava o članovima Zakona, a time je i Zakon u skladu sa članom 90.2. Poslovnika Doma naroda odbijen.

Ad-10: Zakon o Agenciji za informacije i zaštitu BiH - predlagač Predsjedništvo BiH (prvo čitanje)

U raspravi su učestvovali: Sejfidin Tokić, Beriz Belkić, Ilija Šimić, Šefik Džaferović, Momčilo Novaković, Munib Jusufović, Ibrahim Spahić, Nikola Špirić i Dragutin Rodić.

Nakon rasprave o neophodnosti i načelima na kojima je Zakon zasnovan glasalo se da li će se voditi rasprava o članovima.

S obzirom da nije dobio potrebnu entitetsku većinu, Kolegij Doma naroda će pokušati postići saglasnost u skladu sa članom 60. Poslovnika Doma naroda.

Ad-11: Izvještaj o radu Vijeća ministara BiH za period od 22.02.2001 – 14.02.2002. godine - podnosilac Vijeće ministara.

Uvodno izlaganje je podnio Dragan Mikerević, predsjedavajući Vijeća ministara Bosne i Hercegovine.

U raspravi su učestvovali: Sejfidin Tokić, Ibrahim Spahić, Goran Turjačanin, Nikola Špirić i Halid Genjac.

Dom je većinom glasova odbio usvajanje Izvještaja o radu Vijeća ministara BiH za period od 22.02.2001 – 14.02.2002.godine.

Nakon glasanja o Izvještaju glasalo se o Prijedlogu zaključka delegata Nikole Špirića o formiranju parlamentarne grupe sa zadatkom da ispita zakonski osnov za promjenu strukture imovine Bosne i Hercegovine po osnovu prodaje zlata u Banci za međunarodna poravnanja u Bazelu i utvrdi eventualna šteta koja je nastala.

Za prijedlog zaključka glasalo je 5 delegata, 4 protiv i 5 uzdržanih.

Prijedlog zaključka nije dobio potrebnu entitetsku većinu, pa je upućen na usaglašavanje Kolegiju Doma naroda.

Ad-12: Sporazum o slobodnoj trgovini između BiH i Savezne vlade Savezne Republike Jugoslavije - predlagač Predsjedništvo BiH.

U raspravi su učestvovali: Sejfidin Tokić, Dragutin Ilić i Ivo Divković.

Dom naroda je jednoglasno dao saglasnost za ratifikaciju ovog Sporazuma.

Ad-13: Projektno kreditni sporazum između BiH i Međunarodnog fonda za poljoprivredni razvoj - predlagač Predsjedništvo BiH.

Rasprave nije bilo.

Dom naroda je jednoglasno dao saglasnost za ratifikaciju ovog Sporazuma.

Ad-14: Aneks ugovora o određivanju graničnih prelaza između BiH i Republike Hrvatske - predlagač Predsjedništvo BiH.

Rasprave nije bilo.

Dom naroda je jednoglasno dao saglasnost za ratifikaciju ovog Sporazuma.

Ad-15: Rezolucija o politici zdravlja za sve građane BiH - predlagač delegat Ibrahim Spahić.

U raspravi su učestvovali: Ibrahim Spahić, Dragutin Ilić, Halid Genjac, Goran Turjačanin i Munib Jusufović.

Nakon rasprave glasalo se o Rezoluciji.

S obzirom da predložena Rezolucija nije dobila potrebnu entitetsku većinu, upućena je na usaglašavanje Kolegiju Doma naroda.

Ad-16: Rezolucija o smjernicama razvoja agrara u BiH - predlagač delegat Ilija Šimić.

Rasprave nije bilo.

Dom naroda je jednoglasno odlučio da se Rezolucija u skladu sa članom 114. Poslovnika Doma naroda, prethodno uputi na razmatranje nadležnoj komisiji.

Ad-17: Rezolucija o položaju mladih u BiH - predlagač delegat Ibrahim Spahić.

Rasprave nije bilo.

Dom naroda je jednoglasno odlučio da se Rezolucija u skladu sa članom 114. Poslovnika Doma naroda, prethodno uputi na razmatranje nadležnoj komisiji.

Ad-18: Rezolucija o regulisanju pravnog statusa institucija nauke i kulture BiH - predlagač delegat Ibrahim Spahić.

Rasprave nije bilo.

Dom naroda je jednoglasno odlučio da se Rezolucija u skladu sa članom 114. Poslovnika Doma naroda, prethodno uputi na razmatranje nadležnoj komisiji.

Sjednica je završena u 17,15 sati.

Sastavni dio ovog zapisnika je neautorizirani transkript sjednice.

SEKRETAR
DOMA NARODA
Jadranko Tomić

PREDSJEDAVAJUĆI
DOMA NARODA
Sejfudin Tokić

